

2025-26 ikasturterako matrikula betetzeko gida

BATXILERGOKO MATRIKULA EGITEKO KONTUAN IZAN BEHARREKOAK

Aurrematrikula osatuta, batxilergoan izena emateko pausorik zailena egina dago. Behin betiko onarpen zerrendak argitaratu ostean, matrikula ofiziala egitearen pausoa bakarrik geratzen da. Azken pauso hori askoz ere prozesu sinpleagoa da.


Edozein zalantza argitzeko eta inprimakia bidaltzeko, idatzi oiartzo@ikastola.eus helbidera. Horrez gain, hala behar edo nahi izanez gero, deitu 943 52 38 04 telefono-zenbakira (08:00-14:30).

1.- AURKEZTU BEHARREKO DOKUMENTUAK

Aurkeztu behar den dokumentu bakarra **matrikula inprimakia** da. Aurrematrikula inprimakiaren oso antzekoa da, gauza bakanen bat aldatuta. Aurrematrikula-garaian entregatu gabe geratutako dokumentuak ere matrikula-garaian entregatu behar dira (edo aurrematrikula beste ikastetxe batean egin bazenuten, orain Oiertzon entregatu beharko dituzue).

Bi argazki ere ekarri behar dira, aurrematrikulan ekarri gabe geratu baziren. Nortasun agirirako erabiltzen direnen neurrikoak izan behar dute.

2.- MATRIKULA-ORRIA



Aurrematrikula-orriaren antzeko dokumentua da. Bertan norberaren datuak, aukerak eta bankuko datuak jarri behar dira. Aurrematrikulaziotik dokumenturen bat falta bada (argazkiak edo fotokopiaren bat), hau da horiek entregatzeko momentua.

Matrikula-orria betetzeko kontuan izan beharrekoak:

Datuak:

Agiri ofizialetan dauden bezala idatzi behar dira ikasle eta gurasoen datuak. Oso garrantzitsua da helbide elektronikoa eta telefona modu ulergarrian agertzea.

Gurasoek eta ikasleek ezin dute helbide elektroniko bera izan. Alexian kontu desberdinak izateko helbide desberdinak behar dira. **Ikasleek beren helbide elektronikoa ipini behar dute**, Alexian beraien profilak sortzeko beharrezkoa da eta. **Helbide hori @oreretaikastola eta @hautzaroikastola EZ IZATEA gomendatzen da.**

Ikasketa aukerak:

Aurrematrikulan bezala, matrikula-orrian ere ikasketa-aukerak adierazi behar dira. Aurrematrikulakoak berrestea da normalena, baina aldatu daitezke. Aldaketarik ikusiko balitz, deitu egingo zaizue, aldaketa egin egingo dela egiaztatu eta ziurtatzeko.

Modalitateei dagokien atala X batekin bete; eta aukerako gaiak, zenbakiz. Aukerako gaien aukeraketa askea denez Oiartzon, lehentasunaren arabera aukeratzea gomendatzen da (1-2-3 zenbakiekin). Horrela, antolaketa edo plaza arazorik egongo balitz aukerako gairen batean, jakingo da zein den 3. aukera zuzenean aukera horretara bideratzeko.

Datu gehigarriak:

Orain arte aipatutako datuez gain, oso garrantzitsuak dira **garraio-aukera** eta **komunikazio-hizkuntza** ere. Oiartzoko informazioa eta jakinarazpenak euskaraz edo elebitan jasotzeko aukera dago. Garraioan hiru aukera daude: Ikastolako autobusa erabiltzea, autobus urbanoa erabiltzea edo norbera bere kasara etortzea. Aurrerago dago Ikastolako garraio-taula, ohiko geltoki eta ibilbideekin.

3.- BATXILERGOAREN EGITURA ETA AUKERAK

Gai komunak:

- Euskara eta Literatura I
- Gaztelania eta Literatura I
- Ingelesa I
- Filosofia
- Gorputz Hezkuntza

Modalitateko gaiak:

Batxilergoko modalitate bakoitzak berariazko ikasgaiak ditu:

ZIENTZIEN BATXILERGOA	GIZA ETA GIZARTE ZIENTZIEN BATXILERGOA	
	Giza Zientziak	Gizarte Zientziak
Matematika I	Latina I	GZ Matematika I

Ibilbideko gaiak:

Ibilbide bat aukeratu behar da:

Fisika-Kimika eta Biologia-Geologia Fisika-Kimika eta Marrazketa Teknikoa I	Mundu Garaikidearen Historia eta Ekonomia Mundu Garaikidearen Historia eta Literatura
--	--

Aukerakoak:

Aukeratu hiru irakasgai, lehentasunaren arabera (1,2,3. Jarri "1" gustukoena den gaiari). Bi kurtsatuko dira. Taldeak sortzeko ezinbestekoa izango da gutxienezko ikasle-kopuruak izena ematea.

- Anatomia aplikatua
- Kultura zientifikoa
- Informazioaren eta Komunikazioaren Teknologia I (IKT)
- Frantsesa I
- Teknologia eta Ingeniaritza I
- Laborategi teknikak
- Ahozko eta idatzizko komunikazioa

AUKERAKO GAIEN AZALPEN LABURRA

ANATOMIA APLIKATUA

Giza gorputza eta mugimendua ulertu, eta gorputz adierazpenarekin eta osasunarekin erlazionatzea ahalbidetzen duen ezagutza zientifikoa da. Gai honen edukiak hauek dira: anatomia deskribatzailea eta funtzionala, fisiologia, patologia eta jarduera fisikoaren zientziak. Irakasgai hau biologiako ezagutzekin guztiz lotuta dago.

KULTURA ZIENTIFIKOA

Irakasgai honetan Lurra planetaren eratzea, bizitzaren sorrera, genetika, biomedikuntzaren aurrerapenak, eta informazio eta komunikazio teknologia berriak aztertuko dira.

IKT I

Ikasketetan, aisialdian eta gizartean parte hartzeko teknologia digitalak modu sortzaile, eraginkor, kritiko eta seguruaz erabiltzen irakasten duen gaia da.

FRANTSESA I

Oiertzo Ikastolan frantsesa da atzerriko bigarren hizkuntza. Ez da nahitaezkoa DBHn frantsesa ikasi izana.

TEKNOLOGIA ETA INGENIARITZA I

Izatez, zientzietako modalitateko irakasgaia da. Ingeniaritzarako beharrezkoak diren ezagutzak landuko dira, hala nola, materialak, sistema mekanikoak, automatizazioa, elektronika, elektrizitatea eta ikerketa proiektuak.

LABORATEGIKO TEKNIKAK (BERRIA)

Irakasgai hau diziplina praktiko gisa eratuta dago. Bereziki zientzien adarretan (Biologian, Fisikan, Geologian eta Kimikan) eskuratutako ezagutzak, trebetasunak eta jarrerak laborategian garatuko dira. Halaber, ikasleak laborategiaren ezagutzan, funtzionamenduan eta esanahian barneratuko dira.

AHOZKO ETA IDATZIZKO KOMUNIKAZIOA (BERRIA)

Irakasgaiaren helburua ingelesezko ahozko komunikazioan sakontzea da, ahozko komunikazioan trebetasuna hartzea, eguneroko egoeretan zein egoera jakinagoetan eta konplexuagoetan, gizartean elkarreragiteko, eta ahozko testuak ulertzeko eta sortzeko.

4.- LIBURUAK

Datorren ikasturterako liburu-zerrendak Oiartzo Ikastolaren web orrian argitaratuko dira, aurrerago. Gai askotan material propioa erabiltzen da, baina badira argitaletxeren baten liburua jarraitzen duten gaiak.

Elkar dendan liburuak online erosteko aukera ere prestatu ohi da. Oiartzo Ikastolaren web orrian, liburuen atalean, esteka bat jarri ohi da dendara. Online erosten diren liburuak deskontu txiki bat izaten dute eta irailean Oiartzon bertan jasotzen dira.

Liburuak kontua prest dagoenean jakinaraziko zaie familiei.

5.- AUTOBUSA

Ikastolako autobus-zerbitzuaren ibilbideak eta geltokiak ondorengoak izan daitezke:

Orereta-Erreterria	Oiartzun	Besteak
FANDERIA AGUSTINAK GAZTELUTXO TELEFONIKA INSTITUTOA ARALAR PONTIKA	MENDIBIL PIKABENE LONDON LIBURUTEGIA BELUTENE ALTZIBAR ITURRIOTZ IBARRE UGALDETXXO ARRAGUA (Aldi)	LEZO BERA LESAKA

6.- PROZEDURAK ETA EPE-MUGAK

Matrikulazioa Orereta edo Haurtzaro Ikastoletatik edota Oiartzoren web orritik (www.oiartzoikastola.eus) bideratuko da. Haurtzaro eta Orereta Ikastoletan, DBH4ko tutoreen eta orientatzaileen laguntzarekin, matrikula orriak banatuko dira. Ikasturtea bukatu baino lehen, Haurtzaro eta Orereta Ikastoletan eta Oiartzo Ikastolan bertan jasoko dira dokumentuak. Haurtzaro eta Orereta Ikastoletatik ez datozen ikasleek inprimakia Oiartzon bertan nahiz web orrian (deskargatuta) dute eskura, eta ondoren, presentzialki Oiartzon bertan nahiz e-mailez (oiartzo@ikastola.eus) entrega dezakete. Matrikularako epe ofiziala ekainaren 16tik 30era bada ere, Oiartzo matrikulak jasotzen joango da aurrez.